

3
Vorrede.

Das fünffte so sie vorbringen / macht im eussern ansehen
jrer Facultet einen schein / als wann sie vorgeben / Es sollen
sie / oder gebüre jnen allein von diesen sachen zuberichtē / was
man sonst pflaget in den *Predictionib.* vorzubringen : Dann
es ihrem standt zustehe ein Himlisch Zeichen vnd Wunder
werck außzulegen / *zc.* setzen noch ein *Problema* hinzu / man solt
le dieser Kunst *subiecta* durch die *H.* Schrift *simpliciter* vñ
ohne vorgehenden vnterricht des Naturlauffs oder *doctri-
nae Astronomicae* erklären. Das seind die rechten Leut / so sich
klar vnd vnleugbar an tag geben / das sie nichts / oder ja we-
nig von den *artibus* oder philosophischen studijs halten.
Wann nun keine Signatur mehr vorhanden (deren doch
sonst vbrig genugsam) solte diese *sufficiens* sein / den Vogel
bey den Federn zuerkennen. Wo würde bey diesen das *dictum*
raum finden : *Gratam Deum famam nobis in Artibus sparsisse ?*
Es würden die Gottfürchtigen Altväter / vor vnd nach der
Sündflut (als *Iosephus* zeiget / vnd viel *Patres N. T.* mit vñ
ber einstimmen) auch vbel haben gethan / das sie des Himels
lauff vnd krefft betrachtet / vnd jren Nachkommen tradis-
ret. Dergleichen wir zeugnuß haben / wie in der fürnemsten
Concilijs / beyneben den handlungen von Glaubens Articuln /
die löblichen *Artes* vnd *Facultates* (vnter denen namhafftig
die *Astronomia* offtmals gemacht) fleissig zu studiren com-
mendirt worden / auch vber das von jrer Authoret vnd der
Weltlichen Obrigkeit schutz wunderbarlich erhalten : Als
vor ein Exempel (deren sonst allhie köndten / wann es die ges-
legenheit hette / mehr erzelet werden) diß ein gewaltiges im
Concilio Niceno / von der ablegung des streits im *termino Pa-
scali*, die *Dominico*, &c. gewesen / davon vñ von andern in den
historijs Ecclesiasticis viel zu lesen : Die würden gewißlich auch
gantz thörlich gehandelt haben / das sie solten die *Astrono-
miam*